

UKIUMUT NALUNAARUT 2015

Transparency International
tassaavoq nunarsuaq tamakkerlugu
peqquserlunnernut akiuiniarlutik suliniute-
gartut siuttorerisaat. Suliniaqatigiiffiup ataani
ipput nunarsuaq tamakkerlugu immikkoortortaqrifiit
chapter-inik taaneqartartut 100-nit amerlanerusut su-
liniaqatigiiffiullu allattoqarfia Berlin-imi inissisimavoq.
Uppernarsaasorsorlugillu avataanit malinnaaffigineqarsin-
naasunngorlugit saqqummiussortarpagut suleqatigiissuti-
gisarlugillu naalakkersuisut, inuussutissarsiornermik
ingerlataqartuusut inuiaqatigiinnilu suliniaqatigiif-
fiit, pilersinniarlugit suleriaatsit peqquserlun-
nernut atornerluinernullu unissaaniar-
nermi atorineqarsinnaasut.

AALLARNIUT

2015 tassaalerpoq Transparency International Greenland (TIG)-ip ukioq Transparency International-ip iluani tamakkiisumik Chapter akuerineqarfigiligaa. Ukiumili taanna pingaaruteqartutut pisuni kisiartaanngilaq. Kalaallit Nunaatami Global Corruption Barometer-imi ilaalerna aamma piviusunngortinneqarpoq, taamallu pisoqarneratigut 2016-imiit Kalaallit Nunaat siullerpaamik peqquserluttuliorneq pillugu innuttaasut isiginnittaasiat aallavigalugu nunanut allanut sannilliusuunneqarsinnaalissaaq.

TIG-mi nuannaarutigaarput allanik suleqateqarlunarperut maanna kinguneqartitsiortulermat. Nunatsinni naalakkersuinerup avataani suliniaqatigiiffiit (NGO-t) oqallitsisinerni saqqumilaalersimapput aammalu 2015-imi oqartussanik suleqateqarlunarsaaq qitiutinneqarluni suliniutaalersimaluni. Assersuutigalugu Kalaallit Nunaat arlaqartunik whistleblower-inut (eqqunngitsoqartillugu kinaassutsimik isertuilluni nalunaarutiginnittarnissamut) tunngavissanik peqalersi-

mavoq aammalu aatsitassarsiornerup iluani atorfillit peqquserlunnaveersaarnissaannut politikikilioratoqarsimaluni.

Imaanngilaq, innuttaasunik peqataatitsineq, kinaassutsimik isertuilluni nalunaarutiginnissinnaanermik politikkeqalerneq peqquserluttuliorneqarpoq pinaveersaarinnermut politikkeqalerneq imminneq sunut tamanut aaqqiissutaasinnaasut. Kisianni taamaattut ilorraap tungaanut malunnaateqarlumut alloriarnerupput.

Maanna siuariutuutit taasat ingerlaqqinnissaat qulakkeerniarlugu sulineq ingerlanneqalissaaq, qilanaarpugullu 2016-imi suleqqinnissatsinnut.

Inussiarnersumik inuulluaqqusilluta
Transparency International Greenland-imi siulersuisut

Anita Hoffer, siulittaasoq,
Jakob Strøm, Tine Pars, Ivalo Egede, Dora Dreschel

AQUTSISUT NALUNAARUTAAT

INGERLANNEQARTUT PINGAARNERIT

Transparency International Greenland NGO-juvoq (tassa naalakkersuinnermut attuumassuteqanngitsumik suliniaqatigiiffiuvog), suliaralugu Kalaallit Nunaanni pisortat iluini peqquserlutsaaliuinissaaq Transparency International-ip ataani sumiiffiusumi suliniaqatigiiffittut inissisimanini tunngavigalugu. Transparency International Greenland National Chapter-itut (Sumiiffigisami suliniaqatigiiffittut) 2015-imi akuerineqarpoq.

Peqatigiiffiup siunertaraa Transparency International suleqatigalugu nunarsuaq tamakkerlugu sumiiffigisamilu peqquserlunniarnertarnernik pitsaaliuinissaaq. Peqquserluttuliorneq tassaavoq iluanaarniutigiinnarlugu oqartussaassusiligaanermik atonerluineq. Peqatigiiffiullu tamaviaarutigaa pisortat aqutsisoqarfiini, suliffeqarfinni inuiaqatigiinnilu tamakkiisumi, ammasumik suleriaaseqarnissaaq aammalu peqquserluutaasut ajoqusiinerinik isertuatsumik ilisimatissuteqartarnissaaq.

Peqatigiiffiup pisussaafigivaa Transparency International-ip maleruaqqusai imaattut malissallugit:

- Privat-it pisortallu ingerlatsiviini inatsisit aqutseriaatsillu il.il malinnaffigilluassallugit paasiumallugit pissusilersuutit peqquserlunnermut aqutissiuussisuusinnaanersut imal. pinngitsoortitsissutaasinnaanersut, aammalu
- Arlaatigut malussarunik sanngeequtaasinnaasut ilisimatissutisassallugit qanorlu tamakku pitsanngorsarneqarsinnaanerinik siunnersuuteqartassallutik.

INGERLANNEQARTUT AMERLIARTORNERAT ANINGAASAQARNERMULLU TUNNGASUT

Ingerlanneqartut amerlapput, kisiannili kigaallassaataallutik aalajaatsumik allattoqar-feqannginneq patajaannerusumillu aningaasaqannginneq. Transparency International Greenland ammasumik tusarniaasarnert ataatsimiititsisarnerillu iluini akuliusimasorjuussuuvog, kisimiil-luni imal. NGO-tut sulisut peqatigalugit. 2015-imilu suliniut "Kalallit Nunaanni Nuna Eqqissisimatitaasoq"-mik taagorlugu suliniut aallartinneqarpoq. Siunertaavorlu innuttaasunik peqataatitsineq qanoq pitsanngorsaavigineqarsinnaanersoq assersuusiussallugu.

Transparency International-imi pilersitsisup Peter Eigen-ip

Kalaallit Nunaat tikeraarpaa, makkulu 2015-ip ingerlanerani naqitanngorlugit saqqummiunneqarput: Kalaallit Nunaata suut unammillernartut naammattuussavai FN-ip peqquserluttarneq pillugu aaliangiussaa Kalaallit Nunaanni atuutsinneqalerpat?, Pisortat suliffeqarfiutaanni atorfillit isummersinnaanermik pisin-naatitaaffiatoillugu quppersagaq, aammalu peqquserlutsaaliuineq pillugu quppersagaq aappassaa naqitertinneqarluni saqqummersinneqartoq. www.transparency.gl

Ukiumi angusat 302 t.kr.-nik sinneqartooruteqarfiupput ukiup siuliani 2014-imi 17 t.kr.-nik sinneqartooruteqarfiusimasut.

Peqatigiiffiup aningaasaqarniarnermigut tunngavii ilaasortat aki-liutaanneersuupput aammalu aningaasaateqarfinnit pissarsiari-neqartartuullutik. 2015-imi GrønlandsBANKEN-ip inuussutissarsionermut aningaasaateqarfianit tunniunneqarput 200 t.kr.t pilersaarutinut allattoqarfimmi ingerlatsinermut tunuliaqutsiis-sutaasut. Namminersorlutik Oqartussat attuumassuteqanngitsu-mik misissuinissanut aningaasaateqarfianiit (Pulje) qinnuteqaa-terput Innuttaasunik Akulusimatitsinerulernissaq siunertaralugu Nuna Eqqissimatitaasoq assersuutigalugu ingerlatsiniarner-mut suliniupput 250 t.kr.-nik tapiiffigineqarpoq, Pilersaarut taa-neqartoq 2016-imi ingerlateqqinneqassasoq naatsorsuutigine-qarpoq.

2015-IMI PISUT PINGAARUTEQARLUINNARTUT

TAKUSSUTISSIUSIAQ 1

- **Februar/marts:** Aatsitassalerinermut Pisorta qarfimi peqquserlutsaaliuiner-mut politikkilliorneq
- **Marts/april:** Pisortani atorfillit naqisimaneqaratik oqarsinnaatitaanissaannut atatillugu quppersagaliaq
- **April:** Ataatsimeersuartitsineq aammalu pisortani atorfillit naqisimaneqaratik oqaaseqarsinnaatitaanissaat pillugu oqallitsit-sineq
- **April:** Whistleblower-eqarnermik Namminersorlutik Oqartussani aqqjissuussineq
- **Maj:** Transparency International-imik pilersitsisoq, Peter Eigen nunatsinnut tikeraarpoq
- **Juni:** Transparency International Chapter-itut pisortatigoortumik inissinneqarneq
- **August/september:** Siulittaasoq Anita Hoffer Malaysiami Annual Membership Meeting (Ilaasortanik ukiumoortumik ataatsi-miititsiner-mi) peqataavoq
- **September:** GAP-imik (Sanngiiffiusinnaasunik misissuineq) taasamik misissuineq. Suut unammillernartut Kalaallit Nunaata aqqusaassavai peqquserlutsaaliuinissaq pillugu FN-ip isumaqatigiissutaa Kalaallit Nunaannut atuuttussanngortinneqarpat?
- **Oktober:** Innuttaasunik peqataatitsinissaq – IMATUT, Nuna Eqqissimatitaaq pillugu pilersaarut
- **November:** Global Corruption Barometer-imik (nunanut allanut sanilliussuisinnaanissamut uuttuutissamik) pilersaarusiussineq

Takussutissiissusiami takuneqarsinnaasutut, siumut isigisunik ingerlatarpassuaqarpoq ajunngitsumillu ingerlanermik tikkuus-sisunik. Nunarsuaq tamakkerlugu isigigaanni Chapter-itut inis-sinneq aamma Global Corruption Barometer-imut ilanngunneq alloriarnerupput pingaaruteqaqisut, tassami peqquserlutsaaliuil-luni nunarsuup sinnerani ingerlanneqartut sinaakkusersorne-qarnerinut ilanngunneq peqquserlunermik akiuiniarnermut atatillugu Kalaallit Nunaanut nutaanik periarfissaqalersitsimmat. Periarfissat, allanik suleqateqalissagutta aammali nunatsinni immitsinnut suleqatigiinnerulissagutta atorluagassavut.

Inuiattut inerisarnissatsinnut atatillugu nunatsinni peqquserlun-niartarnerup qanoq ajoqutaatigineranik itisuumik siammasissu-millu paasininneq, anguniakkat anguniarnissaanut annertuu-mik imminut ikiorsernerussaaq. Namminermi inissisimaffissat-

sinnik pilersitsisariaqarpugut, aqquataani allat iluatsittumik iluat-sinngitsumillu ingerlassimasaat ilinniarfigalugit.

Namminersorlutik Oqartussani aamma pingaaruteqartunik ili-uuseqartoqarpoq, soorlu Aatsitassalerinermut Pisorta qarfimi atorfillit peqquserlunnginnissaannut politikkilliorneq whistle-blower-imullu atatillugu malittarisassanik pilersitsisoqarluni. Taakku pineqarnerini TIG immikkut nersoqqusaarniannilaq. Taakkunanimi politiker-it atorfillillu naalaarpaat innuttaasut am-manerumik sulinissamik suaartaatigisaat. TIG suliniutit pia-reersarneranni peqataavoq, oqaloqatiginilluartarsimalluni ilisi-masanilu tunngavigalugit siunnersuinissamut periarfissaqartar-simalluni. Tamakkulu tulluusimaarutigivagut, tamakkumi suleqa-tigiiffiup Kalaallit Nunaanni suleqataanermini pingaruteqartutut peqataanerminut ersiutissatut angorusutarimmagit.

Imaanngilaq TIG alaatsinaattuujunnaarniartog. Ammasumik uparuartuineq isornartorsiunerlu ingerlatiinnassuvut. Taamaattuunermi pissusissamisoorsorivartut, tamannalu tigummineqaannarlunilu sulisarneqassaaq. Kisanni

aamma ineriartortitsineq pitsaasumik oqaluuttarnikkut piler-sinniarsarissavartut, taamak iliornikkut suleqatigiilluta ammasumik Kalaallit Nunaat peqquserlunniartogarfionngitsog angusinnaaniassagatsigu.

SAQQUMMERSINNEQARTUT MISISSUINERILLU

PISORTAQARFINNI ATORFEQARTUT NAQISIMANEQARNATIK OQALUSSINNAANISSAT PILLUGU ILITSERSUUSIAQ

2015-ip aallartinnerani TIG pisortaqarfinni atorfillit naqisimaneqaratik kiffaanngissuseqarlutillu oqalussinnaanissaat pillugu Quppersagaliamik saqqummiussaqqarpoq tassungalu atatillugu nangitsitsissutitut oqallitsitsinerit ingerlanneqarlutik. Saqqummiussap paasiuminartumik, assersuutit atorlugit, saqqummiussorpai pisortani sulisut sulisitsisuusulu aporfigisinnaasagaat, kiffaanngissuseqarluni naqisimaneqarnanilu oqalussinnaatitaanissaq pineqaleraangat. Saqqummiussarluni suliniatigiiiffinit sulisitsisuusunillu tikilluaqqulluarneqarpoq. Taannalu qarasaasiakkut aaneqarsinnaavoq aqqutigalugu: transparency.gl.

GAP-MIK TAALLUGU MISISSUINEQ (SANNGIIFSISSUINEQ)

Kalaallit Nunaanni Inuit Piginnaatitaaffii Pillugit Siunnersuisooqatigiit aammalu Nunatsinni Sulisitsisut suleqatigalugit, TIG FN-ip peqquserluttarnermut Århuskonvention-imullu isumaqatigiissusiaanut, sulisut Kalaallit Nunaata peqataaffigilinnigisaanut atatillugu GAP-imik taasamik tunngaveqartumik misissuivoq.


Misissuinnermi siunertaavoq paasisitsinissaq, Kalaallit Nunaanni suni unammioarnartut innerusut FN-ip peqquserlutoqannginnissaq anguniarlugu isumaqatigiissutaa naaper-tuuttumik malinneqassappat.

GAP-imik misissuinnermi qulaajarniarneqarput Kalaallit Nunaat sutigut unammioqassaqarner-paassasoq FN-ip peqquserlutsaaliuinnissaq pillugu sulisitsisumik isumaqatigiissutaa nunatsinni atuutilissappat. Misissuinnermi paasineqassappat, Kalaallit Nunaanni peqquserlutsaaliuinnermut atatillugu sukateriffigisariaqartussat suusut, anguniagaq angusinnaajumallugu. Misissuinnerullu innera Inatsisartuni Inatsisilerinnermut Ataatsimiititaliaanun tunniunneqarpoq. Ukiuni kingullerni arlaleriarluni isumaqatigiissut pineqartup oqallisigitinneqarnissaa inatsisartunut qaqinneqartarsimavoq. 2014-imilu ukiakkut qinersinissap pinngitsiarnerni Naalakkersuisut peqquneqarput suliniutigissagaat Kalaallit Nunaata FN-imik isumaqatigiissut Kalaallit Nunaannut attuutsilersinnissaa suliniutigissagaat Nunanut Allanut Sillimaniarnermullu Ataatsimiititaliamut suliareqqitassanngor-lugu. Isumaqatigiissut pineqartoq ullumikkut nunani 173-iusuni akuerineqarnikuvoq taamaakkamillu FN-ip ataani isumaqatigiissutit akornanni siammasinnerpaamik akuersarneqarnikunut ilaalluni, naak sulisut aqqutissaq takigaluartoq nunat ilaasortasut akornanni eqqortumik malinneqalernissaata anguneqarnissaata tungaanut. Misissuinner-kut TIG-mit suleqatigisaanillu neriuutigineqarpoq Inatsisartuni ilaasortat atuutsitsilernissamik aaliangiussitinnatik erseqqissunik ilisimasaqalernissaat. TIG-llu tungaanit inatsisliorniarneq soqutigalugu malittarineqarpoq.

INGERLANNEQARTUT ALLAT

PETER EIGEN-IP TIKERAARNERA

Maj-imi Transparency International-imik pilersitsisoq, tyskeq inat-sisileritooq Peter Eigen, Kalaallit Nunaannut tikeraarpoq. Peter Eigen-ilu Ilisimatusarfimmi tamanut ammasumik oqalugiarpog Naalakkersuisunillu arlaqartunik ataatsimeeqateqarluni.



ANNUAL MEMBERSHIP MEETING, MALAYSIA (MALAYSIA-MI ILASORTAT UKIUMOORTUMIK ATAATSIMIINNERAT)

TIG Malaysia-mi ataatsimeersuarnermi ilaasortavittut siullerpaa-mik peqataavugut.

Tamaattumik immikkut tikilluaqquneqarpugut (Jamaica Kosovo-lu peqatigalugit). Ataatsimiinnerit saniasigut suleqatigiissitsilluni sammisaqartitsinerit ingerlanneqarput, ingammillu sammineqar-tut marluk siunissami TIG-mi sulinitsinni tunngavigisarniarpagut.

- Slovakia-mi pisortat pisiniartarnerat aammalu inatsiliuussaa-sumik isumaginnittussar-siuussinerit ammalluinnartumik ingerlanneqartalersimapput. Tamanna tunngavigalugu kom-munit nittartakkaminni ersitsittarpaat isumaqatigiissusiaasut, isumaginnittussarsiuussinerit, pisiniarnerit, akiligassat il.il.. Saniatigullu naalakkersuisut quppersagaanni naalagaaffiup isumaqatigiissusiarisimasai saqqumitinneqartarput. Pisorta-tigoortumik isumaqatigiissusiaasut aatsaat atuutinneqaler-sinnaapput nittartakkani saqqumitinneqalereeraangamik.
- Norge-mi kommunit tamanut ammasumik sulinissaq anguni-arlugu TI (Transparency International) suleqatigiilluinnarpaa, Norgemilu kommunit Norgemi TI-mut (TI tunngavigalugu suli-niaqatigiiffimmi) ilaasortaapput.

Assersuutissat taakku marluk siunissami assilissallugit isum-mersorfissaalluarput.

INNUTTAASUNIK PITSAANERUSUMIK PEQATAATITSINEQ – IMATUT

NGO-tut ingerlasut peqatigalugit TIG-mit anguniagaq erseqqillu-innartoq tassaavoq Kalaallit Nunaanni innuttaasut, ingammik inatsisiliornermik suliaqarnerit eqqarsaatigalugit, pitsaanerusumik nukittunerusumillu peqataatinneqalernissaat. Nuna Eqqissisima-titaasog assersuutitut aallaavigalugu, TIG-p 2015-imi pilersaarut ukiuni arlaqartuni ingerlasussaq aallartippaaa. Siunertaavoq taanna soqutiginarumik innuttaasunik peqataatitsisalnissamut aqqutissiuussisutaassasog. Pineqartup ingerlalnerna aallarnelugu qanoq innuttaasunik peqataatsitsinerulersinnaaneq pillugu isummersuutini unammisitsisoqarpoq, kingornalu tamanna pil-lugu ataatsimeersuartsisoqarluni, tassani misilittakkat pitsaasut pitsaanngitsullu sammineqarlutik.

Aningaasaliisinnaanissaq iluatsinneqarpat alloriarnissap tulleris-savaa internet atorlugu nuna tamakkerlugu innuttaasunut oqallit-tarfimmik pilersitsinissaq. Tamanna aallaqqataani misiligutaas-saq tassani aamma Nuna Eqqissisimatitaasog assersuutigalu-q oqallitsitsineq ingerlanneqarniarluni.

GLOBAL CORRUPTION BAROMETER (GCB - NUNARSUAQ TAMAKKERLUGU PEQQUSERLUTTARNERUP QANOQ TAKUSSAATIGINERANIK SANILLIUSSUISINNAANEQ ANGUJUMALLUGU UUTTUERIAASEQ)

Ullumikkut Kalaallit Nunaat peqquserluttarnerup uuttorneqarnera-nut atatillugu nunarsuarmi ersinngingajattumik inissisimavoq. Ta-mannalu maanna allanngortinneqassaaq. 2015-imimi aningaasa-liisut annertuumik iluaqutigalugit iluatsinneqarpoq aningaasaler-sussallugu nunarsuaq tamakkerlugu uuttuisarnermi atorneqartoq tunngavigalugu suliaqarnermut nunatta ilaalnissaa, tassani in-nuttaasut ataasiakkaat apersorneqassallutik peqquserlunniartar-nermi unammionartut suusut qanoq isumaqarfigineraat.

GCB oqarasuaatikkut apersuinertut ingerlanneqassaaq, ingerla-neqartussamilu tunngaviatigut kikkulluunniit sianerfigineqarsin-naapput apersorneqarlutik peqquserlunniartarnermut atatillugu qanoq isumaqarnerisut tassani unaminartortaasut suunersut qanoq isummersuuteqarfigi-neraat. Saaffignilluni sianeqattaar-nissat nunarsuaq tamakkerlugu misissuineri akuerisaasumik ingerlatsivimmit ingerlanneqassapput apeqqutillu nunarsuaq ta-makkerlugu atorneqartut assingi pisussamittaaq atorneqassal-lutik.

2016-IMI PISUSSATUT NAATSORSUUTIGINEQARTUT

Transparency International Greenland-ip 2016-imiit 2020-imut pilersaarutai Transparency International Angu- niagai 2020 *Together Against Corruption*, tassanilu suleru- sissatut tunngavissiaasut soorunalimi nunatsinni pissutsinut naleqqussarlugit, tunngavigalugit ilusiligaapput.

Siulersuisut sunniuteqarnerpaasumik anguneqarsinnaasut aallaavigalugit suliniarput. Tassa imaappoq, nalilerutsigu, soorlu sunniiniarluni oqaloqatiginnittamerit angusaqarfiu- nerpaassasut, taava tamanna tunngavigalugu sulissaagut. Nalilerutsiguli sulinerput innuttaasunit siammasissumik ta- persersorneqarneq aqutugalugu angusaqarfiunerpaassa- sut, taava tamanna soorlu paasisitsiniaanerit aqutugalugit anguniassavarput.

Pingaarlunnartuuvoq suliniaqatigiiffimmi torersumik ilisima- saviillu tunngavigalugit sulinita ingerlatiinnarnissaa aamma siunnerfiginngilluinnakkatsinnik kissaatiginngilluinnakkat- sinnillu avataanit allanit allatut ingerlatsisutut nalilersorni- arneqaraluaruttaluunniit. Upperilluinnarparput aaliangiiniar- nerni ammasumik suleraaseqarneq pinerlutsaaliuinissamut aqutissaalluinnartuuvoq. Aammalu isumaqarpugut, innut- taasunik peqataatitsineq demokratiimik eqqortumik inger- latsiniarnermut aqutissaasooq aammalu ammasumik aali- angiisarnermut aqutissiuussissasooq. Upperaarput, amma- sumik sulinikkut, innuttaasunik peqataatitsinikkut aammalu kikkut tamat oqartussaanerit aallavigalugu sulinikkut tun- niussaqaassalluta peqqissumik nunatta ineriartortinneqar- nissaanut.

TRANSPARENCY INTERNATIONAL

PEQQUSERLUTSAALIUNIARLUNI NUNARSUAQ TAMAKKERLUGU INGERLANNEQARTOQ

TI-ip takorluugaa tassaavoq, nunarsuarmi, naalakkersuiner- mi, politik-ermermi, inuusutissarsiornermi, inuiaqatigiinni inuinnaallu ulluinnarni inuuneranni peqquserluttoqartan- nginnissap isumannaarlugu anguneqarnissaa, tamannalu anguniarneqarpoq suniluunniit ammasumik suleqqusineq, akisussaassuseqartumik ingerlatseqqusineq tutsuiginaru- millu suleqqusineq aqutugalugit. Suliniaqatigiiffik nunarsuaq tamakkerlugu immikkoortortaqaarfittut namminersortutut ingerlanneqartunik 100-t sinnerlugit amerlassuseqartunik ilaasortaqaarpoq Berlin-imilu ataatsimoorussamik allattoqar- feqarluni. TI-mit uppersaasarsorneqartarput avammullu saqqummiussorneqartarlutik peqquserlunnikkut ajornartor- siutit, suleqatigineqarpullu naalakkersuisut, inuusutissar- siorlutik namminersorlutik suliffeqarfiit aammalu inuiaqati- giinni inuinnaat soqutigisaqaqatigiiffii, peqquserlutsaaliuni- ermermi atorussat pilersinniarni.

Nunani assigiinngitsuni suliniaqatigiiffiup ilaasortarisai (chapter-it) suliniaqatigiiffiisut arlaannaanulluunniit pituttor- simassuteqaanngitsutut ingerlanneqarput. Taakku nunagisa- minni nalunaarsugaapput nunarsuarlu tamakkerlugu qitiu- sumik suliniaqatigiiffimmut TI-mut attaviligaallutik. Chap- ter-it immikkut tamarmik siulersuisoqarput, ilaasortanik tunuliaqutaqarlutik, ingerlanniakkaminni pingaarnersiullutik tulleriaarisarlutik, ingerlanniakkaminnik pilersaarusiortar- lutik namminerlu aningaasassarsiortarlutik. Berlin-imi TI-p allattoqarfiata Chapter-it ilisimasatigut sakkussanillu ikior- tarpai (soorlu makkuninnga: Corruption Perception Index, Global Corruption Barometer, NIS-misissuariaaseq il.il). Kisanni tassannga ingerlanniakkanut aningaasassarsiuus- sisoqarneq ajorluni. Allattoqarfiullu aaqqissortarpai ukiumut sumiiffinni nunallu peqataatitaqartut tamarmiusut ataatsi- miititarnissaat, taakkunanilu ilaasortat ilisimasaminnik

paarlaasseqatigiittarput, suleqatigiinnissanik nutaanik pilersitsisarlutik aammalu ilisimatusarnermi, iliuuseqarnerni TI-llu tamakkiisup iluani angusarisaasunik ilisimasanik nutaanik agguaassisarluni.

Transparency International Greenland (TIG) taaneqartup iluani akuuvoq TI-llu takorluugaanik tapersersuilluni. Ullumikkullu periutsini anngiortumik ingerlatsinerit akimullu ersittumik sulinginnerit pioreeraluartut, TIG-mit sammeneqartari-aqartunik, taamaakkaluartoq uagut pingaarnertut siunnerfigaarput peqquserlutsaaliuinissaq aammalu peqquserlunnerit aatsitassalerinerup iluani ineriartupiloofiusumik sorlaninginnissaat isumannaarniassalugit.

Kalaallit Nunaanni inuinnat suliniaqatigiiffii mikisunnguupput aningaasassaaleqisuullutillu. Taamaattumik politiker-it atorfillillu akornannni isorinnissinnaassuseqarluni malinnaarniarneq killeqarsinnaasarpog.

Aamma tusagassiuutit isorinnissinnaassuseqartumik malinnaasinnaanerminni sulisoqarnikkut aningaasatigullu amikkiisaartuupput. Taamatummi inissisimalluni sulissagaanni piasariaqarput ilisimasaqarnissaq immikkullu piginnaaneqarnissaq.

TIG-P INGERLANNEQARNERANI TUNULIAQUTAASUT

Siulersuisuni issiapput inuit tallimat sinniisussallu marluk. Taakku TIG-p 2015-imi ataatsimeersuarnerani qinigaasuupput. 2014-illu naanerani siulersuisuni uku issiapput:

Anita Hoffer, siulittaasog,
Jakob Strøm, Tine Pars, Ivalo Egede, Dora Dreschel
Bolette Maqe Nielsen (sinniisussaq), Jørgen Chemnitz (sinniisussaq)

Siulersuisunilu immikkut ilisimasallit marluk malinnaatinneqarlutik taaseqataasinnaanatiilli peqataatinneqartarput:
Anne Mette Christiansen aamma Thomas Trier Hansen.

ANINGAASAATEQARFIIT TUNNIUNNEQARTULLU

- GrønlandsBANKEN-ip Erhvervsfond-ia; kr. 200.000 Allattoqarfimmik ingerlatsinissamut aammalu pilersaarusernermi ikorfartuutissatut.
- Tips & Lotto Pulje C; kr. 75.000 ininik attartornermut atugassat.
- Kalaallit Nunaanni Inuit Piginnaatitaaffii pillugit Siunnersuisooqatigiit Tamanut illikartitanit: TIG-p CSR-imik suleqateqarluni: kr. 50.000 Kalaallit Nunaanni inuit piginnaatitaaffii pillugit ilitersuusiaq. TIG-p Nunatsinni Sulisitsisut suleqatigalugit kr. 15.000 Sanngiiffeqarfinnik (GAP) misissuinerup nutsertinnissaanut " Kalaallit Nunaata unammionartut suut aqqusaartussaavai, FN-imi pinerluttarneq pillugu isumaqatigiissut Kalallit Nunaanni atuutsinneqalerpat?".
- Nalakkersuisuni siulittaasup siulittaasoqarfianit: kr. 250.000 Nuna Eqqissisimatitaasog aallaavigalugu pilersaarummut – Paasisitsiniaaneq.
- Tele Greenland; allattoqarfimmut akeqanngitsumik internet-eqartitsineq.
- Sulisitsisut; Naatsorsuuserinermik ikiuineq.
- Global Corruption Barometer; GrønlandsBANKEN kr. 10.000, Bank Nordik kr. 5.000, Royal Greenland kr. 5.000, Sulisitsisut (Grønlands Erhverv – GE) kr. 5.000.

